

4311.41 131171

Bookmark

АРМАН САГАТЕЛЈАН

# NERVUS VIVENDI

РОМАН

Bookmark

ԱՐՄԱՆ ՍԱԴԱԹԵԼՅԱՆ

# ԿՅԱՆՔԻ ՆՅԱՐԴԵ

ՎԵՊ

Թարգմանությունը ռուսերենից՝  
Անուշ Միսրադյանի



ԵՐԵՎԱՆ  
2020

ՀՏԴ 821.19-31 Սաղաթեյան  
ԳՄԴ 84(5Հ)-44  
Ս 160

Սաղաթեյան Արման  
Ս 160 Կյանքի նյարդը: Nervus Vivendi/ Արման Սաղաթեյան;  
Թարգմանությունը ռուսերենից՝ Անուշ Մուրադյանի.- Եր.:  
Newmag, 2020.- 344 էջ:

Ինչո՞վ էր զբաղված և ի՞նչ էր մտածում հայ երիտասարդը 1990-ականներին, ԽՍՀՄ փլուզման, անկախացման, արցախյան գոյամարտի և էներգետիկ ճգնաժամի տարիներին: Զգո՞ւմ էր պատմական փոփոխությունների անդառնալիությունը, որի ականատեսն էր ավագ սերունդը: Եվ ի՞նչ էր նշանակում լինել 17-ամյա անհոգ պատանի երկրի համար ամենաբարդ ժամանակներում:

Արման Սաղաթեյանի ինքնակենսագրական վեպը ներկայացնում է 1991-93 թվականների Հայաստանը: Այն սև ու սպիտակ չէ, ոչ միայն հաղթական գոյամարտի մասին է, այլև ցրտի ու մթի: Ամեն ինչ ոչ շատ վատ էր, ոչ էլ լավ: Հեղինակի ձևակերպմամբ՝ տանելի էր:

Այս գիրքը ռազմաճակատում հայտնված երկու երիտասարդների մասին է: Նրանք ծնողներից թաքուն մեկնում են Արցախ ու մասնակցում Չլդրանի համար մղվող մարտերին: Արցախյան պատերազմը նկարագրված է ականատեսի աչքերով. ոչինչ չափազանցված չէ՝ ո՛չ վախը, ո՛չ համարձակությունը, ո՛չ մահը, ո՛չ էլ պայքարը:

Չլդրանի համար մղված մարտը բախտորոշ է եղել, քանի որ դարձել է պատերազմի ամբողջ ընթացքի բեկումնային պահերից մեկը: 1993-ի փետրվարի 5-ին Չլդրանի ազատագրմանը հաջորդել են հայկական ուժերի գարնանային լայնածավալ հակահարձակումը և Մարտակերտի շրջանի ամբողջական ազատագրումը:

ՀՏԴ 821.19-31 Սաղաթեյան  
ԳՄԴ 84(5Հ)-44

ISBN 978-9939-884-06-6

Nervus Vivendi © 2010, Арман Сагатеян  
Արման Սաղաթեյան, «Կյանքի նյարդը» © 2020, «Նյու Մեգ» ՍՊԸ  
Հեղինակի լուսանկարը © Մարիամ Ֆայնբերգի  
Այս գրքի հայերեն թարգմանության և հրատարակության իրավունքները  
պատկանում են «Նյու Մեգ» ՍՊԸ-ին

## Բովանդակություն

Գլուխ 1	13	Գլուխ 20	162
Գլուխ 2	22	Գլուխ 21	180
Գլուխ 3	26	Գլուխ 22	185
Գլուխ 4	39	Գլուխ 23	193
Գլուխ 5	43	Գլուխ 24	209
Գլուխ 6	49	Գլուխ 25	216
Գլուխ 7	56	Գլուխ 26	222
Գլուխ 8	64	Գլուխ 27	232
Գլուխ 9	67	Գլուխ 28	236
Գլուխ 10	82	Գլուխ 29	242
Գլուխ 11	94	Գլուխ 30	253
Գլուխ 12	105	Գլուխ 31	266
Գլուխ 13	116	Գլուխ 32	270
Գլուխ 14	126	Գլուխ 33	293
Գլուխ 15	130	Գլուխ 34	306
Գլուխ 16	133	Գլուխ 35	327
Գլուխ 17	136	Վերջաբան	337
Գլուխ 18	139	Հեղինակից	339
Գլուխ 19	143		

Նվիրում եմ ծնողներիս՝ Արմենին և Տաթևանային,  
եղբորս՝ Վազգենին,  
և ընկերոջս՝ Տիգրան Մուրադյանին

Հիմնված է իրական փաստերի վրա

- Որսորդներ կան այդպեղ՝ այդ մոլորակում:
- Ոչ:
- Ա՛յ, դա ուշագրավ է: Իսկ հավեր:
- Ոչ:
- Էհ, կարարյալ բան չկա,- հառաչեց աղվեսը:

Անտուան դը Սենտ-Էքզյուպերի, Փոքրիկ իշխանը\*

---

\* Թարգմանությունը՝ Կարպիս Սուրենյանի: (Ծանոթագրությունը՝ newmag-ի):



# 1

Շատ են սիրում Երևանի կենտրոնի այս փոքրիկ այգին: Այստեղ միշտ հանգիստ է, անգամ երբ մարդաշատ է ու լի ուսանողներով, որոնք դուրս են եկել մաքուր օդ շնչելու կամ, հակառակը, դասամիջոցին ծխելու: Ինստիտուտի շենք վերադառնալու ոչ մի ցանկություն չկա: Դասախոսությունները ձանձրալի են, քանի որ «կրկնությունը գիտության մայրն է»: Հավանաբար պետք էր միանգամից երկրորդ կուրս նստել: Սակայն ուսանողների հարցում բախտս բերել է. կարծես նորմալ մարդիկ են, շատերին ծանոթ են դեռ դպրոցից և ընդունելության քննություններից: Հիմնականում շփվող են, նաև բավական ակտիվ:

Երեկ ինձ հետները տարան Երևանի համալսարանի կենտրոնական մասնաշենքի առաջ կազմակերպված հերթական հանրահավաքին: Շատ մարդ չկար, բայց հավաքվել էին ու, դատելով ծանոթ դեմքերից, տարբեր բուհերից էին: Բոլորը մտահոգ-լրջմիտ-վճռական դեմքեր ունեին, ձեռքի տակ եղած նյութերից սարքած պաստառներ: Մարդկանց բուրգի գագաթին գլխավոր մուտքի աստիճաններն են, եզրերին՝ բարձրախոսներ, որ արհմիության կամ ուսխորհրդի նախկին շքեղության մնացորդներն են: Կենտրոնում, կանգնակի վրա, խոսափողն էր՝ մի կերպ դրան հասցրած հոսանքալարով: Խոսափողի մոտ էլ ամբոխ է, ինչ-որ մեկը ծառում է «հայ-

րենասիրության... անթույլատրելիության... վրդովմունքի... վճռականության...» մասին: Լավ չէր լսվում, բայց հիմնական կարգախոսները տեղ էին հասնում: Դե, կանգնեցինք, նայեցինք, լսեցինք... Իսկ հետո ինձ կարծես էլեկտրական հոսանք խփեց, մեկ էլ որ չգոռացի մարդկային այդ բուրգի հիմքից (Աստված ինձ լավ ձայն է տվել):

- Եղբայր: Այս ինչի մասին եք խոսում: Դուք գիտե՞ք, որ «Ղարաբաղ» կոմիտեն այստեղից 300 մետրի վրա է: Այնտեղից համարյա ամեն օր մարդիկ են մեկնում ռազմաճակատ: Քանի հավաքվել ենք, գուցե անցնենք փողոցը, միասին քայլելով գնանք այնտեղ: Ի՞նչ կասեք...

Խոսափողի մոտ հանկարծ շարժվեցին: Կարծես լսել էին: Կամ էլ՝ չէ, քանի որ մի թեթև իրար անցան ու հետո էլի խոսեցին հայրենասիրությունից, անթույլատրելիությունից, վրդովմունքից ու վճռականությունից, սակայն ավելացրեցին նաև «...միջազգային հանրությունը, որը չի հանդուրժի և, իհարկե, կդատապարտի...»: Ինձ ավելի մոտ կանգնածների մեծ մասն անբարյացակամ, խեթ հայացքով նայեց ինձ: Ինչ-որ մեկն ուզեց պաշտպանել, քաջալերող արտահայտություն արեց, բայց նրան հետ քաշեցին, ու նա լռեց, քանի որ «...մեծամասնությունը հավանություն չէր տվել»:

Սույն միջոցառման մասնակից անձանց ես, իհարկե, չեմ հիշում, բայց կարծում եմ, որ նրանց ու նրանց ադրբեջանցի գործընկերներին հանդիպել եմ տասնամյակներ անց ամենատարբեր ֆորումներում և չատերում: Ամեն ինչ, ինչպես այն ժամանակ, նույնն է, նույն կարգախոսային բառակույտը: Տարբերությունը միայն այն է, որ այժմ կարելի է փողոցում չխոնվել, այլ նստել ջերմ և հարմարավետ միջավայրում, հա-

մակարգչի էկրանի առաջ: Ինչ շատ են նրանք՝ այդ կեղծ և ուռա-հայրենասերները: Ընդհանրապես այն ժամանակ և, ինչու չէ, հետագա ամբողջ կյանքում դժվարությամբ են հասկանում այդ հանրահավաքների իմաստը: Ինձ վստահություն չեն ներշնչում որևէ բան ապացուցելու նմանօրինակ փորձերը: Եվ առավել ևս՝ կազմակերպիչներից շատերի անձը: Ինձ շատ բան դուր չէր գալիս այն ժամանակ տարածում գտած հրապարակային քաղաքականության մեջ: Իսկ հոգուս խորքում լուրջ կասկած ունեի, որ բոլոր այս «միջոցառումները» կազմակերպվում են հանուն «ազգի բարօրության» և «պետության լուսավոր ապագայի»:

Իմ հարազատներից ոչ ոք չէր գնում բազմամարդ հանրահավաքների: Հավանաբար այդ պատճառով բավական սառը վերաբերմունք ունեի դրանց նկատմամբ: Իսկ ամենից շատ ինձ դուր չէր գալիս ցույցերի ու հանրահավաքների մասնակիցներից շատերի ֆանատիզմը: Տգիտություն և հիմարություն գումարած ֆանատիզմ. սարսափելի համակցություն է:

Մի խոսքով, հեռացանք այդտեղից... Ավելի լավ է դասախոսությունների նստել, գուցե մի հետաքրքիր բան հանդիպի, թեև զանազան «ակտիվիստներից» այստեղ էլ հանգիստ չկա: Այդպիսի արհմիութենական «ակտիվիստներից» մեկը մի անգամ ինձ զրույցի հրավիրեց: Անունը չեմ հիշում, բայց խոսակցությունը հիանալի տպավորվել է.

- Ճի՞շտ է, որ մարզիկ ես:
- Ճիշտ է... ու ի՞նչ:
- Իսկ ճի՞շտ է, որ հասցրել ես հեռուստատեսությունում աշխատել:
- Դա էլ է ճիշտ... ինչի՞ համար եք հարցնում: